

4

DISSEMINATIO D. D. MEDICINÆ  
DISSERTATIO ACADEMICA  
SISTENS  
**HORTUM**  
**ACADEMIAE**  
**ABOENSIS,**

CUJUS  
PARTEM SECUNDAM,  
VENIA AMPLISSIMÆ FACULTATIS PHILOSOPHICÆ  
IN REGIA ACADEMIA ABOËNSI,

PUBLICO EXAMINI SUBMITTUNT  
**JOH. FREDR. WALLENIUS,**

Phil. & Med. Doctor, Assessor R. Coll. Med. Hon. Fac.  
Med. Adj. Ord. & Demonstrator Botanices, Regg.  
Societt. Patriot. Holm. & Oecon. Fenn. Mem-  
brum, hujusque Secretarius,

ET

**CAROLUS FREDERICUS KUNCKEL**

Stipend. Reg.  
Nobilis Smolandia - Svecus.

In Auditorio Majori die XV. Junii MDCCCHI.  
H. A. M. S.

---

*A B O Æ*

Impressa apud Reg. Acad. Typ. J. C. FRENCKELL

KONUNGENS TROTJENARE,

LIEUTENANTEN,

VÅLBORNE

*Herr PEHR SCHATELOWITZ,*

OCH

LIEUTENANTSkan,

VÅLBORNA

*Fru EVA SCHATELOWITZ,*

*Född LINDCRANTZ.*

*Högakningen och erkänslan främhära till ER detta ringa  
men välmenta offer. Vittne det för Allmänheten om ER god-  
het och min förbindelse! Med vördnad framhärdar jag flädje  
att vara*

ER

Ödmjukaste tjenare

CARL FREDRIC KUNCKEL



## LECTOR I.

Inchoaverat, anno elapsi proxime saeculi septuagesimo nono, qui Horto Botanico Aboensi per quatuor deinde triennio lustra praesuit, & cum insigni rei herbariae commodo etiamnum praest, Celeberrimus Vir, CAR. NIC. HELLENIUS, Botanices tum temporis Demonstrator & Facultatis Medicæ Adjunctus, jam vero Professor Oeconomiae Regius & Ordinarius, Dissertationem Academicam, qua laudatum hortum descriptum si- steret; historiamque ejus & fata ad illam usque ceta- tem fideliter exposuerat, promissione data, quod incep- erat narrationis filum, alia sese occasione persecuturum. Sed abjectio postea continuandi operis, quod gesti a se muneric rationem proprius spectare videretur, consilio, ut laboribus suis ulterioremanum imponerem potius ego, quem quovis favore complecti nunquam desit, sva- sor exstitit. Cui voto, quantum in nobis erat, satisfa- cturi, partim ex actis Consistorii Academici, partim ex aliis, quæ praesto erant, annalium monumentis Se- cundam Dissertationis partem congesimus, quam, si Le- toris favorem adipisci nobis contigerit, quæ restant, propediem insequentur.

## § XI.

Novum, prout in antecedentibus est narratum, ex privata Nobiliss. JOH. HISINGER & Celeberr. JOH. HAARTMAN munificentia, Camenæ Auraicæ acceperant Botanices Doctorem, Experientissimum CAR. NIC. HELLENIUM, quem Diplomate die 13 Februarii anni 1778 signato, novo muneri admotum voluit Illustrissimus Academiæ Cancellarius. Mansit tamen maxime Reverendo Dn. KALM demandata sibi jam anno 1758 Horti nostri Præfectura, a qua otium, propter infirmam valetudinis conditionem, mense Octobris anni 1779 expetitum, non nisi septem demum post mortem diebus, locorum distantia prohibente, a Superioribus (a) impetravit, quamque curam, ex moribundi petitione in nuper constitutum Botanices Demonstratorem derivatam, hic postea ad hunc usque diem retinuit. Vacanti namque, post obitum Cel. KALM, Oeconomiæ Professioni, cum a Sacra Regia Majestate præficeretur, qui lectiones ejus publicas vicaria ope interim administraverat, Adjunctus Facultatis Juridicæ Extraordinarius, SALOMON KREANDER, inspectionem tamen horti & hybernaculi, svadente Cancellario Academiæ, ab ejus docendi officio separandam jusfit eadem Sacra Re-

---

a) Litteræ Illustris. Cancell. d. 23 Nov. 1779. Et Celeb. quidem KALM die ejusdem mensis 16:o vitam cum morte commutaverat.

Regia Majestas, & in Celeb. HELLENIUM, cuius diligentiam & dexteritatem singularem gratiosissimis verbis laudavit, quemque idcirco Professorem, addito confessus in Senatu Academicō jure, sed ea tamen lege, ut pristinum retineret salarium, nominavit, transferendam (a). Quo erectus favoris Regii documento, & ampliorem nactus occasionem adamatae sibi Florae prolatandi pomoeria, omni, quo potuit, studio in id incubuit, ut novis illa sensim tam divitiarum quam cultorum cresceret auctibus, successu quidem, ut in sequentibus comparebit, votis non infeliciter respondentē.

Sed præter honoris prærogativam & patentiorē, in quo excurreret, industriæ campum, constituto a se Doctori nihil accessisse commodi, probe perspexerunt Duumviri Litterarum & Academiæ amantissimi, HAARTMAN & HISINGER. Quorum ille primus de procuranda Collegæ iautiori stipe & amplificandis discentium commodis æque sollicitus, cum ut a pecunia publica conferri in eam rem aliquid posset, sperare non liceret, permovit, vergente ad finem anno 1782, amicissimum sibi Nob. HISINGER, ut nova secum iniret mutandæ donationis consilia. Concordibus igitur desideriis Senatum de novo adierunt Academicum, petentes, ut quod fundaverant Adjuncti Medici & Demonstratoris Bota-

---

a) Litteræ Regiæ d. 7 Junii 1780.

nici munus, in Professionem Historiæ Naturalis ordinariam atque perpetuam commutaretur, & augmentum salarii annum triginta trium cum triente Imperialium offerentes, quo sic novus ille Professor, quem Facultati Philosophicæ adsciandum cuperbant (a), eandem, donec successionis jure plena potiretur, haberet laborum mercedem, quam anno 1761 Chemiæ Professori assignaverat gl. m. Rex ADOLPHUS FRIDERICUS. Delata vero ad Cancellarium re, quam sua adjuvare commendatione non satis consultum judicarunt Patres Academici, rescripsit die 23 Januarii anni sequentis perspicacissimus ille Musageta, non temere vel crebro novandum esse rerum statum; Demonstratoris ope, quam ante quinquennium necesariam agnoverant omnes, cujusque usum experientia deinde abundanter docuerat, ægrius, nec sine detimento, caritaram fore studiosam juventutem; de abroganda provincia Regia sanctione vixdum munita non sine levitatis suspicione moveri deliberationem; & latius præterea patere novi Professoris partes iis, quas Adjuncto Facultatis Medicæ, qui Demonstratorem Botanices simul ageret, impositas antea voluerant munieris Auctores. Quam autem ad Regem deferre, propter allatas rationes renuerat Cancellarius, non  
vani

a) Postulatum tamen simul fuit, ut novus Ordinis Philosophici Professor Materiam Medicam & Hygieien Artis Salutaris Studiosis privatim proponeret.

vam Duumvirorum liberalitatem, illam, si præter Adjuncturam, quam condiderant, Medicam, novæ in Facultate Philosophica Historiæ Naturalis Professioni instituendæ necesarios largiri redditus gestirent, magni sese facturum, & Regi enixe commendatrum, novum sic calcar munificentæ fatigari nesciæ prudenter addens, promisit. Et quamvis paullo post (a), ex consveto ad Academiam Aboënsim more (b), Cel. HELLENIUS id obtineret emolumentijs, ut integro, quod Professoribus Facultatis Philosophi.

cæ

a) Litt. Reg. d. 25 Julii 1783, vi quarum falarium Facultatis Philosophicæ infimum, quod numerata pecunia thaleros efficit argenteos DCCC, mense Mayo anni 1786 accepit Cel. HELLENIUS.

b) Statutum fuerat quondam, ut certis Professionibus certa stipendia adhærerent, & nemo in aliud, quam quod antecesor meruerat, succedere posset. Sed cum fæpe accideret, ut emerito Professore diutius superstite, successor debita laborum mercede per longam annorum seriem ita frustraretur, ut omnibus plane destitueretur victus comparandi subsidiis, Litteris Regiis die 13 Nov. 1760 datis sanctum fuit, ut qui prior tempore idem potior jure eset, & juxta ætatem administrati muneric distribuerentur in quavis Facultate Professorum falaria. Et ab illis quidem, quæ numerata pecunia solvantur, ad reliqua, quæ partim e redditibus fundorum Academicorum, partim e decimis publicis conflata sunt, sic non sine insigni stipendiij augmento migratur.

cæ concesserat Augusta Lycei Fundatrix, stipendio, quam primum tempore administrati muneris reliquos Collegas superaret, frueretur, non destiterunt tamen, quos saepius jam laudavimus, Duumviri incepto augendæ rei Academicæ conatu, sed novum moliti litterarum incrementum, novas anno 1784 Cancellario, qui ante annum ad gubernacula Academiæ accesserat, Libero Baroni, Regis Regnique Senatori &c. CAROLO SPARRE proposuerunt beneficii antea oblati, & quidem lautiores, conditiones. Pollicebatur nempe Nob. HISINGER, qui ad stipendum Adjuncto Medicinæ & Demonstratori Botanices solvendum dimidium antea contulerat, illud se se totum in posterum soluturum, si liceret amico suo Celeb. HAARTMAN, quod, ut alterum dimidium inde penderetur, Academiæ legaverat, prædium equestre *Tlikylå* in Paroecia S:tæ Mariæ Ditionis Aboënsis situm, in suam potestatem revocare. Et hocce quidem prædium cum subjacentibus villis, censitica (*Stomhemman*) *Hummelholm* atque subsidiariis *Nilsby* & *Kerickala*, quarum omnium redditus annuos, subtractis oneribus & impensis tam publicis quam privatis, summam centum & triginta trium cum triente Imperialium plene æquare affirmabat, sustentando novo Historiæ Naturalis Profesori, cuius in Facultate Philosophica sedes esset, simul dicabat Cel. HAARTMAN. Cujus promissi sequentes interposuit pactiones: ut scilicet novus ille Profes-

for



for successions jure, secundum stabilitum antea tenorem, ad uberiora Facultatis stipendia, quæ ex rusticorum fundorum tributis proveniunt, accederet; ut nemo, nisi qui præter cognitionem plantarum & animalium systematicam, talia dedisset eruditionis Physicæ & Chemicæ specimina, quibus constaret subacta illum gaudere explorandorum corporum naturalium, qua vires, usus & habitum internum, solertia, ad novam docendi spartam ornandam idoneus haberetur; ut proinde, qui summos in Medicina honores consecuti essent, vel præstitis faltem examinibus, Licentiati titulum meruisent, palmam in decernenda ad novum munus electione ferrent; atque ut eidem muneri Cel. HELLENIUS primus admoveatur, successorem habiturus in vacuam Demonstratoris provinciam Candidatum Medicinæ Mag. GABR. BONSDORFF, qui dein, ubi novam Professionem vacare olim contingeret, in decessoris locum esset sufficiendus. De quibus omnibus ut quid sentiret, Cancellario perscriberet, hujus jusfu injunctum fuit Senatui Academico (a).

Ante vero quam narrationis filum ulterius persequamur, notandum est, ab Academiæ natalibus ad annum usque 1778 non fuisse in Facultate Medica nisi unicam Professionem; Professorem Anatomiae

tum

---

a) Litt. Canc. d. 16 Nov. 1784.

tum constitutum, (a) biennio nondum elapsa vacuam iterum reliquise cathedram; & anno demum 1784, post donatam Academiæ a socio non semel sed plures benefico Cel. HAARTMAN pecuniæ summam, cuius redditus ad sex pro centenario computati ducentos quotannis æquarent thaleros imperiales, novam & ad omne ævum duraturam Anatomiæ, Chirurgiæ & Artis Obstetriciæ Professionem Academiam accepisse (b). Cum vero, si ex locata forte nonnisi leviorem, quinque ex. gr. pro centenario thalerorum, obtineri posse usuram in posterum

a) Diplomate Regio d. 1 Apr. 1778 dato Anatomiæ Professor, sed sine augmento salarii, quod eidem ut Prosectori nuper indulsum fuerat, nominabatur Doctor Nic. AVELLAN. In flore vero ætatis occubuit idem die 14 Januarii 1780.

b) Litt. Reg. d. 7 & Litt. Cancell. d. 28 Sept. 1784. Et primum quidem novo stipendio subnixum Profesorem, ex commendatione partim conditoris, partim Cancelarii, Rex Augustissimus nominavit Dn. Doctorem GABR. ER. HAARTMAN, Adjuncti Facultatis Medicæ & Prosectoris Anatomici munere hactenus functum. Jussit item æquissimus Monarcha, ut ad normam Litterarum Regiarum d. 13 Nov. 1760 datarum (vide supra pag. 35 not. b) salarium illud lautijs, quod e fundis Academiæ concessis (indelt lön) primitus Facultas reportaverat, Seniori Facultatis semper cederet, juniore tenuius illud, donec ad se perveniret successionis ordo, retinente.

rum accideret, deficere triginta tribus cum triente imperialibus mercedem Profesori assignatam necessario oporteret, ut oriundum inde dampnum alia ratione compensaretur, follicite provisum voluit munificientia Haartmanniana.

Actis igitur de conditionibus novæ Professionis in Historia Naturali fundandæ consiliis, cum inter alia animadvertiset Senatus Academicus, metuendum esse, ne quando eveniret, ut proventus prædii equestris *Ylikylä* & villarum subjacentium stipulatam a donatore mercedis summam non complerent, accesit denuo Cancellarium Cél. HAARTMAN, spondens se, si quæ antea ipse proposuerat, rata haberet Sacra Regia Majestas, concesso simul Sororis suæ filio Clarissimo BONSDORFF, qui Licentia Mediæ interea auctus fuerat dignitate, privilegio, ut in Professionum vel Oeconomiae vel Historiæ Naturalis illam quæ Doctore primum orbaretur, mox succederet, villam, quam possidebat, urbicam, & e bonis mobilibus tantum, quantum una cum adjecto ejusdem villæ pretio, summam bis mille imperialium expleret, Academiæ perpetuo possessio- nis jure adjudicaturum, ea quidem lege, ut complementum salariorum inde sumerent Professores Anatomiæ & Historiæ Naturalis, residuo ad Stipendia duobus Medicinæ Studiosis solvenda reservato (a).

F

Cum

---

a) Litt. Canc. d. 10 Febr. 1785.

Cum tamen ne haec quidem via commodis vel Academiæ vel futuri Doctoris satis videretur prospectum, ad tollendas, quæ propositi successum morabantur, difficultates aliam Euergetæ Litterarum indefeso (a) ingredi placeuit rei ordinandæ rationem.

Ve-

a) Inter alia, quæ profecta ab illo sunt, in Academiam nostram Fennicam dona, hoc loco nominare omnino oportet divitem illam & specierum plus quam quater millium exempla complexam, plantarum siccacarum chartis adglutinatarum collectionem, *Herbarium* vocant *vivum*, cuius Academiæ anno 1781 (vid Litt. Canc d. 22 Decembris e. a.) cessit posessionem. Et hoc quidem beneficium eo accedit Palæstræ nostræ Litterariæ gratius, quod præter donationem, parciorrem illam sed curiosam tamen, Kalmianam, quæ OLAI KUDBECKIE filii quondam fuerat, nihil in hoc generere, quod harum rerum cupidis ostenderet, haberet. — Collata vero in unum hæc Floræ spolia liberaliter deinde auxit triga virorum meritissimorum, HELLENIUS, RUTSTRÖM & præ reliquis maxime DAHL, qui & propria commotus propensa in Academiam voluntate, & faventissimi sibi Patroni, Per illustris ac Generosissimi Liberi Baronis, Cancellariæ Regiæ Consiliarii, Regiique Ordinis de Wasa Commendatoris CLAUDII ALSTRÖMER mandata exsecuturus, insignem herbarum copiam, aliasque naturæ gazas, & varias insuper res raras atque insolitas (textilia, utensilia &c.) ab Oraheiti aliisque maris Pacifici insulis advectas, quas omnes a laudato Mæcenate acceperat, Museo Academicō partim vivus intulit, partim moriens inferendas reliquit. De quibus vide Litteras Donationis Dni

Veterinariam nempe artem ad rem Patriæ pecuariam rite administrandam apprime necessariam, sed ubique fere neglectam & imperitis fabrorum vetularum ve manibus relictam, dignam censens quæ in Lyceo nostro proponeretur, supplex postulavit, ut nova, quam meditabatur, Historiæ Naturalis Professio laudatam simul artem suo ambitu comprehendenderet. Huic vero spartæ ad Philosophicam, uti antea, Facultatem referendæ, ut præficeretur, quem Demonstratorem Botanices anno superiori voluerat, promotus jam Medicinæ Doctor GABR. BONSDORFF, patrus, salarium illi promisit thalerorum Imperialium vel ducentorum vel centum sexaginta sex cum besse minimum, ex oblata sorte (quatuor millia Imperialium complete, quorum vero sextantem supplendo Professoris Anatomici stipendio destinaverat) fœnori danda, & sex vel quinque saltem pro centeno redditura, quotannis pendendum, cesurum deinde, sicuti novus Professor ad lautiora Facultatis beneficia percipienda evehheretur, junioribus pro ætate munieris ejusdem Facultatis Professoribus. Quæ omnia, recusante Cel. HAARTMAN, ut ad mentem Ill. Cancellarii (a), Medicæ potius Facultati adjun-

F 2

gere-

ALSTRÖMER die 23 Decembris 1790 datas, & Protoc.  
Consist. Acad. d. 24 Januarii atque 16 Septembris  
1791.

(a) Litt. Canc. d. 30 Sept. 1785.

geretur nova Professio, ad Regem tandem Augu-  
stissimum die 27 Aprilis 1786 delata (*a*), litteris  
gratiosissimis, die 18. in sequentis mensis Junii datis,  
plenissime confirmavit Summus idem Monarcha, ra-  
tam simul jubens illam Nobilissimi HISINGER, qui  
stipendium Demonstratori Botanices integrum adsi-  
gnaturus, præter prædium suum nobile *Ramsjö*, quod  
hypothecario jure ante novennium fere Academiæ  
obligaverat, aliud ejusdem indolis prædium *Skogång*  
Paroeciæ *Pojo* in Nylandia Academiæ pari ratione  
oppignerandum obtulit, conditionem, ut qui De-  
monstrator, idem Adjunctus Facultatis Medicæ sem-  
per esset, & irrita foret, si divellerentur unquam  
duo illa munera, aut si stabilito semel horum tenori  
ulla inferretur mutatio, donatio illa Hisingeriana,  
hæredibus Legatoris, ut repeterent quicquid eousque  
ex hisce prædiis in emolumentum Academiæ cessis-  
set, libero reliquo (*b*). Et vendito quidem postea  
prædio Haartmanniano *Tlikylä*, tanta coacta fuit pe-  
cuniæ summa, quanta cum complemento numeratæ  
fortis, sustentando novo Ordinis Philosophici Docto-  
ri sufficere videretur (*c*).

Quo

*a)* Una cum Litteris Donationis Haartmannianis die  
15, & Hisingerianis die 23 Decembris anni 1785 si-  
gnatis.

*b)* Litt. Reg. d. 18 Junii, & Litt. Canc. d. 6 Julii 1786.

*c)* Stipendia Medicinæ Studiosis eroganda aliter dein.

Duo ab hoc inde tempore exsisterunt in Academia Auraica Historiae Naturalis Doctores Professoria dignitate ornati, alter Ordinarius nuper constitutus, alter cui præter ordinem, quamvis Ordinariorum gauderet prærogativis, commissa fuerat Horti nostri Praefectura. Vacante vero per obitum Cel. KREANDER (d. 20 Julii 1792) Oeconomiae docendæ provincia, in ejus locum suffectus est (a), qui sub diurno, quo cum consiliatus erat prædecessor, morbo ejus administraverat lectiones, Cel. HELLENIUS: conjuncta sic rursus cum munere eui ante annexa fuerat, Horti cura. Quod item brevi interjecto tempore in posterum confirmatum fuit. Cum enim d. 29 Decembris 1787 Cel. HAARTMAN senior diem obiisset supremum, translatoque ad Professionem Medicinæ practicam Cel. HAARTMAN juniore (b), vacua diutius stetisset Professio Anatomica, quæ quominus a pluribus ambiretur, impiedierunt partim bellicæ turbæ, partim salarii eidem concessi tenuitas, nova movere coeperunt de conjugendis duabus illis Haartmannianis Professionibus Patres Academici consilia. Quibus licet pri-

mum

de (d. 6 Dec 1786) peculiari dotatione dispensavit,  
de quibus vide Åbo Lidning för sednare hälften af  
år 1801 N:o 10.

a) Litt. Reg. d. 16 Apr. 1793.

b) Dipl. Reg. d. 13 Junii 1789.

mum refragaretur, qui res Academicas adhuc moderabatur, Illustrissimus Cancellarius, Regis Regni-que Senator &c. Dn. Liber Baro CAROLUS SPARRE (a), probata tamen successorum alteri, qui ha-benas Academiæ mense Februarii anni 1793 regen-das sumferat, Libero Baroni (b), e Regni Optimati-bus uni, Gubernatori antehac educationis Regiæ vicario, Supremo ad Aulam Reginæ Viduæ Mare-schallo cæt. Dn. CAROLO ADAMO WACHTMEISTER, & commendatione ejusdem plenisime suffulta, Re-giam tandem obtinuerunt sanctionem. Coaluerunt igitur anno 1795 (c) ambæ illæ Profesiones in u-nam, Anatomiæ, Chirurgiæ & Artis Veterinariæ, quæ ad Facultatem Medicam relata, sustentanda fo-ret stipendio annuo thalerorum Imperialium qua-dringentorum, e duobus, quæ creatis a se Doctori-bus assignaverat defunctus HAARTMAN, salariis con-flato, & cum ampliori illo Regio, quod primitus te-nuerat eadem Facultas, quam primum per ætatem muneris superius Facultatis subsellium occuparet no-vus Professor, commutando. Cum vero hoc pacto proprium Historia Naturalis amitteret Doctorem,

par-

---

a) Litt. Canc. d. 16 Maii 1791.

b) Comes factus mense Novembris 1797.

c) Vi Litterarum Regiarum d. 19 Junii 1794 datarum, quas d. 12 Januarii anni sequentis Consistorio Aca-demico communicavit Illustriss. Cancellarius.

partes ejus ita distributas voluit Sacra Regia Majestas, ut Anatomia & Physiologia, cum illa Zoolo-  
giæ parte, quæ oeconomiam pertractat animalem,  
& ex Arte Veterinaria tantum, quantum Medicis  
seitu necessarium esset, a Professore Anatomiae, Chir-  
urgiæ & Artis Veterinariæ (a); Botanica illæque  
Historiæ Naturalis partes, quæ cum Oeconomia ne-  
xum habent, a Professore Oeconomiæ; Mineralo-  
gia vero a Chemiæ Professore docerentur. Et quam-  
vis de Horti Academicæ Præfectura nihil expresse  
statueretur, colligi tamen ex Litterarum Regiarum  
tenore & fine haud obscure potest, illam ad Profes-  
foris Oeconomiæ curas proprie pertinere.

## § XII.

Adjuncturam Medicam & Demonstratoris Bo-  
tanici munus, stipendiumque eidem constitutum re-  
tinuerat cum Professione Philosophica Cel. HELLE-  
NIUS, donec post sexennium anno 1786 ad percipi-  
endum insimum Philosophicæ Facultatis salarium pro-  
moveretur. Quo facto cessit anno sequente vacua  
provincia Doctori Medicinæ Exp. ANDREÆ DAHL  
(b), digno quondam LINNÉORUM discipulo, magnam-  
que

a) Primus huic provinciæ præfектus fuit d. 19 Junii 1794 Cel. GABR. BONSDORFF.

b) Diplomate Cancellarii d. 1 Aprilis e. a. dato.

que & promeritam quidem eruditio[n]is famam adepto, quemque ideo Senatus Academicus, sine Specimine prævio (a), solum (neque enim adfuerunt alii qui munus ambirent) Cancellario nominandum obtulerat. Sed consummatisimo Doctore, cujus e transmarinis (Svecicis) oris adventum diu sollicita exspectavit, (b) ne anno quidem spatio gavisa fuit alma Botanice. Vix enim muneri admotum præproperum die 25 Maii 1789 abstulit fatum (c), lugentibus, uti fas erat, Scientiæ cladem omnibus Floræ alumnis. Quibus tamen, exacto fere quinquennio, solarium doloris attulit vir meritorum prædecessoris æmulus, Exp. Philosophiæ atque Medicinæ Doctor, CAROLUS BIRGERUS RUTSTRÖM (d) multifa-

a) Edidit tamen eodem anno, Hafniæ. *Observationes Botanicas circa Systema Vegetabilium Divi a LINNÉ Gottingæ 1784 editum*, quibus accedit justæ in manes Linneanos pietatis specimen. Quam dissertationem recusam legas in USTERI's & RÖMER's Magazin der Botanick 4:s Stäck p. 20 sqq.

b) Vacatione nempe muneric, cum jure in Svecia commorandi, usque ad finem mensis Junii anni 1788 utebatur. Videſis Litt. Canc. d. 2 Maii 1788.

c) Historiam, si placet, singularis morbi legas in Programmata, quod die 27 Maii 1790, nomine Facultatis Medicæ, edidit G. E. HAARTMAN.

d) Diplomate Ill. Cancellarii die 30 Aprilis 1794 Facultatis Medicæ Adjunctus. & Botanices Demonstrator constitutus.

etaria doctrina locupletissimus: qui vero tribus post annis Holmiam abiens, ibique Secundus primum (1797), mox vero Primus & unicus factus Societatis Regiae Patrioticæ Secretarius, Academiæ anno 1799 in totum valedixit, Successorem nactus memet, quem Patrum Academicorum favor Illustrissimo Cancellario primo loco commendaverat (a).

Quum vero, ut vidimus, non frequentius solum, verum etiam diutius vacationem pateretur Sparta Botanices demonstratoria, quod in præjudicium utilissimæ scientiæ cadere animadvertisit prudens Cancelleriorum prospicientia, provide sanctum fuit (b), ut quoties provincia in posterum decederet Demonstrator, deligeretur, ad partes ejus interea agendas, a Senatu Academico, persona e Studiosorum cohorte idonea, salario, quo ad illas sustineret, muneris dimidio fruitura: altero dimidio in Horti usus insumento. Quibus igitur conditionibus Præcl. Historiæ Naturalis Docens Mag. JOH. GUST. JUSTANDER, a die 29 Octobris 1789, per quadriennium & ultra, atque Perex. Studiosus (jam vero Philosophiæ Magister Clarissimus) CAROLUS REGINALDUS SAHLBERG, a die 22 Octobris 1799, per aliquot menses, vicariam vacuo officio administrando commodarunt operam, quam tamen ad sublevandas potius Præfecti curas, quam ad lectiones, saltim Medicas, habendas fuisse comparatam, res ipsa sufficienter docet.

## G

## § XIII.

a) Quam commendationem Diploma fecutum est Summi Mæcenatis die 1 Martii 1800.

b) Litt. Canc. d. 1. Junii 1787.

Hortulano, quo ab anno 1777 usus fuerat Hortus noster, eoque admodum gnavo & habili, Petro Blomberg (a) quamvis e tenui Horti forte lautius assignari stipendium non posset, alia tamen subinde, extra ordinem, contigerunt laborum remunerations. Scilicet præter annum a mense Junio anni 1789 augmentum Sex cum besse Imperialium, pendendum a dimidio sextæ partis fœnoris, quod reddiderat summa (1333  $\frac{1}{3}$  Imp.) Stipendiis Haartmannianis dicata, ea tamen conditione, ut juvenem ad Horticulturam discendam propensum arte sua institueret (b), honorarium quoque, unica vice, anno 1791 accepit quinquaginta Imperialium, e collecta anno superiori vacua Demonstratoris Botanici stipe persolvendum (c). Sed virum artis scientissimum fatalis die 8 Maii 1795 submersit fluctus, succedente, mense Julio, in defuncti locum cultore ejusdem studii non infelici, Johanne Erico Lindstedt, qui ex recepta anno 1778 annuæ erogationis forma (Stat) salario fruitur sex & quinquaginta Imperialium.

Fa-

a) Prædecesores habuerat 1:o Nicolaum Gottmark ad annum 1775. 2:o Johannem Hamberg vacui temporis explendi gratia eodem anno, donec aliter constitueretur, adscitum. Quorum illi ab anno 1762 salario annum tributum fuit sexcentorum thalerorum cuperorum, cum anno precedentem quadringtones & quinquaginta, antea vero ab anno 1758 trecentos tantum & sexaginta accepisset. Cfr. supra pag. 26 nota (l).

b) Statuerat enim Stipendii conditor, ut si ultra quinque pro centum luceretur fors huic usui legata, supernumeraria illa usura inter Camerarium Academix & tironem, qui in Horto Botanico collendorum hortorum apumque rudimenta poneret, æqualiter dividetur. Cfr. Åbo Tidning 1801 l. c.

c) Litt. Ill. Canc. d, 16 Maii 1791.